

მწყემსი




მე ვარ მწყემსი კეთილი: მწყემსმან კეთილმან სული თვისი დაჰსდვის ცხოვართათვის. იოან. 10 — 11.
მზოვე ცხოვარი ჩემი წაწყმედული. მსრეთ იყოს სიხარულ ცათა შინა, ერთისათვის ცოდვილისა. ლუკ. 15—4.
მოვედით ჩემდა ყოველნი მაშურალნი და ტვირთ-მძიმენი და მე განვისვენოთ თქვენ. მათ. 11—28.

სად უნდა ინახებოდნ ჩვენი წმიდა და შესანიშნავი საეკლესიო ნივთები?

მოსკოვის ერთი გაზეთი შემდეგ საყურადღებო ამბავს მოგვითხრობს: „ჩვენ გავიგონეთ, განკარგულება მოხდაო, რომ ძველი წმინდა ხატი, ჯვარი, სახარებები და წიგნები, რაც კი მოიპოება საქართველოს ძველს მონასტრებში, სულ საეკლესიო არხეოლოგიურ მუზეუმში უნდა გადაიტანონ, ტფილისის სიონის საკრებულო ტაძართან რომ არისო. ვეკვობ, არსად ქვეყანაზე იმდენი ძვირფასი სახსოვარი ძველი მსოფლიო გონება-განვითარებისა და განათლებისა არ მოიძებნებოდა, რამდენიც არის კავკასიის აქეთ მხრის სხვა-და-სხვა კუთხეებში. გავისხენოთ მხოლოდ გელათი და სხვა მონასტრებიო, რომელთა სალაროებში ინახება ძველი ძვირფასეული საღვდელ-მოქმედო საგნები, მილიონებად საღირალიო, რაკი ყველა კავკასიის აქეთა მხრის მონასტრებიდან მდიდარი ნაშთი წარსული საუკუნოებისა: ძველი ხატები, მხატვრობა და მი-

ნაქრის ხელობა გადავა ტფილისს, მაშინ იქ მოგროვდება იმდენი სიმდიდრე წარსული ცხოვრებისა, რომ ქვეყანაზე უმდიდრესი მუზეუმი აღარ იქნება, რადგან მარტო გელათის მონასტრიდან გადიტანებენ იმდენ აუარებელს ძველს სახარებებს და წიგნებს მეცამეტე საუკუნიდან მოკიდებულ მეზუთმეტე საუკუნემდის, რაც ძველი შესანიშნავი მწიგნობრობის ნიმუში და შინაწერი ხელობა ყოფილაო.

ეს ამბავი, ჩვენის აზრით, ახალი არ არის, ძველია და არც მართალი უნდა გამოდგეს. სასულიერო ზ საეკლესიო სხვა-და-სხვა ძველ ნაშთთა შესანახავის, მუზეუმის, აშენება თფილისში სიონის ტაძართან ეკუთვნის აწ უკვე განსვენებულს მთავარ-ეპისკოპოს პავლეს. ამ მუზეუმის აღშენების შესახებ კითხვა აღძრა განსვენებულმა დიმიტრი ბაქრაძემ. განსვენებული დ. ბაქრაძის აზრი იყო, რომ საქართველოს საექსარხოზოსის ყველა კუთხეებიდან მოეკრიბათ ისტორიულის და არქეოლოგიურის მხრით საყურადღებო ნაშთნი და თფილისში გადმოეტანათ. შეუგენ



დმუზეუმის შენებას სიონის ტაძართან, რომელზედაც დაიხარჯა 4000 მანეთამდე. მოახსენეს უწმიდეს სინოდს მუზეუმის აშენება და მასთან სთხოვეს, რომ ამ მუზეუმში გადმოეტანათ ყოველივე შესანიშნავი ძველი ნაშთი. უწმიდესმა სინოდმა მოისმინა საქართველოს ექსარხოსის მოხსენება და მოსაზრება, რომელიც დაფუძნებული იყო განსვენებული დ. ბაქრაძის მოსაზრებაზედ და დასდვა თავისი მშვენიერი და ყოველის მხრით მოფიქრებული განჩინება.

ამ საქმის შესახებ მათმა მეუფებამ, მთავარებისკობისმა პალატიმ საქართველოს ექსარხოსად მყოფობის დროს უქაზი მიიღო უწმიდესი სინოდისაგან 1890 წელში. ამ უქაზის ძალით მათ მეუფებას ნება ეძლეოდა თბილისის საეკლესიო მუზეუმში გადაეტანათ ისტორიულის და არქეოლოგიურის მხრით შესანიშნავი ძველნი ნაშთნი ჩვენი ეკლესიებიდან (ხატების და ჯვრების გადატანის შესახებ კი არაფერი არ ყოფილა), მაგრამ იმ პირობით, თუ ამ ნივთების გადატანაზე თანხმობას განაცხადებდა ეკლესიის კრებული, სამრევლო და მონასტრების წინამძღვარნი და ძმანი. იოანე ნათლის-მცემლის მონასტრის წინამძღვარმა, არქიმანდრიტმა მაკარიმ და მცხეთის ტაძრის კრებულმა მართლაც განაცხადეს სურვილი, რომ ამ მონასტრიდან და ტაძრიდან ყველა შესანიშნავი ძველი ნაშთი გადაეტანათ თბილისის საეკლესიო მუზეუმში და კიდევაც გადაიტანეს. სხვაგან არსად არ გამოუცხადებიათ ასეთი სურვილი და არც ძველი ნივთები დაუძრავთ აღვილიდამ.

როდესაც იოანე ნათლის-მცემლის მონასტრიდან ჭ მცხეთის ტაძრიდან ძველი ნაშთები ჩაიტანეს თბილისში, დეკანოზმა კალისტოვმა მომწერა: «არქეოლოგიური ექსკურსია მოვახდინეთ კახეთისა და მცხეთისაკენ მე და ბაქრაძემ და აუარებელი შესანიშნავი ძველი ნივთები აღმოვაჩინეთ»¹; მთხოვედა ამების დაბეჭდვას გაზეთში. მაგრამ მე არ დავბეჭდე მისგან გამოგზავნილი წერილი, როგორც უსაფუძვლო და კიდევ გამოუცხადე, რომ ეკლესიიდან ან მონასტრიდან ძველი ნაშთების გადატანა თბილისის მუზეუმში არ შეადგენს არქეოლოგიურ ექსკურსიას-მეთქი...

გამოტეხილი უნდა ვსთქვათ, რომ მე წინაღმდეგი ვიყავი განსვენებული დიმიტრი ბაქრაძის

მოსაზრებისა, რომ ყველა ჩვენი ეკლესიებიდან და მონასტრებიდან ძველი ნაშთნი თბილისში გადაეტანათ. მე თანახმა ვიყავი, რომ ყოველ ეპარქიაში დაარსებულიყო ამისთანა მუზეუმები, როგორც ეს რუსეთშია შემოდებული. ამ ჩვენმა კინკლაობამ ბ. ბაქრაძესთან ბატონ კონდაკოვამდისინაც მიაწია. ბატონი კონდაკოვიც ჩვენი აზრის თანახმა იყო და ისიც ჩვენთან ერთად ურჩევდა მართებლობას თვითეულ ეპარქიაში მუზეუმის დაარსებას, ჩვენი ეკლესიების და მონასტრების შესანიშნავ ძველ ნაშთთა დასაცველად...

არ ვიცი რუსულ გაზეთს სინოდის ეს უკანასკნელი განკარგულება შეუტყვია და აცხადებს ესლა, თუ ახალი რამ განკარგულება მოხდა 1890 წელს აქეთ ამ საქმის შესახებ? არა გვჯერა, რომ შემოდ ხსენებული უქაზის რაიმე ახალი წინააღმდეგი უქაზი გამოსულიყოს. არ გვჯერა ეს იმიტომ, რომ ყოვლად შეუძლებელია ჩვენი საქართველოს ყველა მონასტრების და შესანიშნავი ეკლესიების ჯვრების, ხატების, ხელნაწერების და სხვა ძველი ნაშთების თბილისში გადატანა. სხვა არა იყოს რა, სად შეიძლება დაეტოს ეს ამოდენი ნივთები?

განსვენებული დ. ბაქრაძე დარწმუნებული იყო, რომ ექსარხოსობა ჩვენში საუკუნოდ დარჩებოდა და ამისათვის ერთობა საექსარხოსოსის ყველა ეპარქიებისა შეუცვლელი იქნებოდა. მაგრამ ეს მისი ფიქრი ძლიერ უსაფუძვლო იყო და არის. ჩვენ არ გვჯერა, რომ ექსარხოსობა ნიადაგ დარჩეს ჩვენში. ვფიქრობთ რომ, მალე თუ გვიან, ჩვენი ეპარქიებიც ისე დამოკიდებულნი იქნებიან უწმიდეს სინოდთან, როგორც რუსეთის ეპარქიებია და ნაცვლად სინოდალნი კანტორისა თვითოეულს ეპარქიაში დაარსდება კანსისტორია. მაშინ სრულებით მოუხერხებელი იქნება თბილისის მუზეუმი საქართველოს სხვა ეპარქიებისათვის. ესეც რომ არ იყოს, ერთი ეპარქიიდან მეორე ეპარქიაში ნივთების გაგზავნა კანონისაც და ჭკუიანური მოფიქრებისაც წინააღმდეგია.

(შემდეგი იქნება)

დკპ. დ. ღამბაშიძე.



უქმე და მისი მნიშვნელობა.

ჩვენს ქვეყანაში უქმეს ის მნიშვნელობა და ძალა არ აქვს, როგორც ძველად ჰქონდა და ხშირად, წინააღმდეგ, ხალხი არა უქმე უქმად მიაჩნია და თავისებურად ატარებს დროს იმ დღეს. ამისათვის გვინდა აღვნიშნოთ ჩვენ ნამდვილი უქმე, მისი დასაწყისი და ეკლესიური დაწესებულება მისი ძველის დროიდან ჩვენამდე.

ძველს აღთქმაში პირველი, უმთავრესი უქმე იყო შაბათი. ამას ამტკიცებს თვით მეოთხე მცნება, სადაც განპარტებულთა, რომ ექვსი დღე გააჩნია ღმერთმა ყოველის საქმის ჰქმნადაო, „ხოლო დღე იგი მეშვიდე შაბათი უფლისა ღვთისა“. თვით უფალმა ღმერთმან ჩვენმან აკურთხა ეს დღე შაბათი მით, რომ ექვსი დღის განმავლობაში გააჩნია რა ხილული და უხილავი ქვეყანა, მეშვიდე დღეს განისვენა. ამას გარდა სხვა უქმეებიც მრავალი იყვნენ ურიებში, როგორც მაგალითად პასექი, ერგასი, დღე ტალავარისა და სხ. ეს უქმეები განსაკუთრებულ დღეებათ ითვლებოდნენ ზურვი იმ დღეებში თავს იყრიდნენ სამლოცველოებში, ლოცულობდნენ და იგონებდნენ იმ ამბებს, რომლის მამასწავებლად ეს დღესასწაულები იქმნენ შემოღებულნი მათში. მაგ. პასექი იყო მამასწავებელი ებრაელების ეგვიპტის მონობიდან დასნისა და მეწამულის ზღვაში გამოსვლის. იმ დღის მოსაგონებლად ურიებს უნდა დაეკლათ ცხვარი უმანკო, სისხლი კარებზე წაეცხოთ და მწვანილით ეჭამათ იგი.

იესო ქრისტეს ქვეყნად მობრძანების შემდეგ უქმეები ზოგი ძველის აღთქმიდან გადმოტანილ იქმნა შეცვლით ზე განსხვავებით და ზოგიც შემდეგში თან-და-თან ემატებოდა იმის და-მიხედვით თუ უფალი რა დროს რა სასწაულს და მფარველობას გამოიჩინა ხოლომე ერზედ. ებრაელების შაბათის წილ ძველის აღთქმიდან ახალს აღთქმაში დაწესდა კვირა. ამ დღეს ქრისტიანული ეკლესია განსაკუთრებით პატივს ცემს სხვა დღეებთან შედარებით, რადგან იმ დღეს მოიხსენებს მაცხოვრის აღდგომას მკვდრეთით. ის დღე დღესასწაულად დადგენილია თუ არა თვით იესო ქრისტესაგან, მოციქულებისაგან ხომ მაინც უუქველად. მაცხოვრის აღდგომის წინა შაბათს დღეს მოციქულებმა „შაბათი იგი დაღაიდუმეს მცნებისა

მისთვის“ (ლუკ. 23, 56). ამის შემდეგი დღე პირველი დღე კვირისა იყო სადაგი დღე. მაგრამ ამ დღეს გამოეცხადათ მათ მაცხოვარი აღდგომილი მკვდრეთით, განიხარეს მოწაფეთა იხილეს რა უფალი“ (იოან. 20, 19—20). აქედან მოკიდებული ეს დღე მოციქულებისათვის განსაკუთრებულს სასიხარულო დღედ ჩათვალა და შესაძლებელია აქედამ იწყება უქმობა ამ დღისა. ამ კვირის პირველს დღეს მოციქულებს რომელიც შეკრებილიყვნენ ერთად გამოეცხადათ მაცხოვარი. იმ დღეს მან გამოუგზავნა სულიწმიდა მოციქულებს. ყველა ამადებისა გამო ეს დღე შეიქმნა განსაკუთრებულ საღმრესაწაულად დღედ. ამ კვირა დღის, ქრისტეს აღდგომის დღეს გარდა, მართლმადიდებელს ეკლესიაში ირიცხება კიდევ ათ-თორმეტი უმთავრესნი დღესასწაულნი: ხარება (უძველესი დღესასწაული), ქრისტეს შობა (მოციქულების დროის), ნათლის-ღება (მოციქულების დროის), ფერის-ცვალება (მესამე საუკუნედამ), ჯვართ-ამაღლება (326 წ.) და სხვ. არიან კიდევ სხვა უძრავ-მოძრავნი დღესასწაულნი და წმიდანების მოგონების ნიშნად შემოღებული დღენი. წლის ყოველს დღეს რაიმე წმიდანს დღესასწაულობს ქრისტეს ეკლესია. საქართველოს ეკლესია იხსენიებს მაგალითად: იანვრის 14 წმ. ნინოს, თებერვლის 22 წმ. ცხრათა ძმათა კოლასელთა ქართველთა, მარტის 17 წმ. დარისა, მაისის 1 თამარ მეფესა, ოქტომბრის 1 სვეტი-ცხოვლობასა და სხვ..

ახლა ვნახოთ როგორ მნიშვნელობას აწერდნენ და როგორ ატარებდნენ უქმეებს ძველად და ახალს აღთქმაში: თავი და თავი მნიშვნელობა იმ დღისა, უქმესი, ის იყო რომ დაესვენათ, რაგან თვით ღმერთმა განისვენა მეშვიდე დღეს საქმეთაგან თვისთა. მოციქულებიც ასე მოიქცნენ. მოციქულებმა კვირა დღეს დააწესეს საზოგადო ღვთისმსახურება—საიდუმლო ზიარებისა. მე IV საუკ. გადმოცემა ჰმოწმობს, რომ იმ დღეს ლიტურგიის გარდა, ღამის თევით ლოცვა და მწუხრიც სრულდებოდაო. ღვთის მსახურების დროს ხალხი მიუცილებლად უნდა მისულიყვნენ და მოესმინათ მოძღვრებანი.

გარდა კვირა დღისა, სხვა უქმე დღეებშიაც ქრისტიანებს უნდა შეეწირათ დრო სულის საქმისათვის, ე. ი. მოგონებანი, კეთილი საუბარი და მოძღვრებანი,—აი ამათვის უნდა ეზრუნათ „ეკლესიიდან გამოსვლის შემდეგ, ამბობს იოანე ოქროპირი, შინ



რომ მივალთ უნდა მოვივონოთ ყველა ის, რაც იქ გვესმა“. რომ მთელად ეს დღე დანიშნული ყოფილიყო სულისათვის, ეკლესია უკრძალავდა ყველა იმის გაკეთებას, რაც იმის სულის ხელის შემშლელი იყო და უწინარეს ყოვლისა—საქმეს საქვეყნოს. იმ დღეს ყოველივე მუშაობა უნდა შეჩერდეს რომ სულს მოსვენებით შეეგება მიეცეს, ამბობს იოანე ოქროპირი. სოკრათი V წიგნის 22 თავში, საეკლესიო ისტორიაში ამბობს: „ერს უყვარს უქმეები, რადგან იმათ განმავლობაში ისვენებენ მუშაობიდანაო“. უქმეების შენახვას ავალებდა გარდა ეკლესიისა საერო მართებლობაცა ძველთაგან უქმეებზე ცალკე კანონების გამოცემით. პირველად გამოსცა ამისთანა კანონები კონსტანტინე დიდმა 321 წ. მოქალაქეთ, მსაჯულთ და ხელოსანთ უქმე დღეებში უნდა დაესვენებიათ. ამ მეფის შემდეგი მბრძანებლებიც განაგრძობდნენ ამისთანა კანონების გამოცემას. იმპერატორმა ლომ-ფილოსოფოსმა IX საუკ. ამისთანა კანონებს თვითონ მისცა დამატება ღირს შესანიშნავი. თეატრი, დოღი და სხ. გასართობები აღკრძალა მან.

უკრძალავდა რა ამისთანა გაართობებს ძველი ეკლესია წინადადებას აძლევდა ყველა ქრისტიანებს აესრულებიათ უქმე დღეებში საქველ-მოქმედო და სამოწყალო საქმეები. ხალხი მართლაც აძლევდა ქონებრივ შემწეობას ღარიბთ, უმწეოთ, ჰერობილთ, ქვრივ-ობლებს და სხ. ვალენტინიანემ კვირა-უქმე დღეებში აღკრძალა გადახდევინება როგორც საზოგადოსი, ისე კერძო ვალებისა. იმ დღეებში სიმხიარულის ნიშნად დადებული იყო არა მარხულობა და ტანისამოსის გამოცვლა.

რუსეთის ეკლესიაც ისე იხსენიებს და დღესასწაულებს კვირა-უქმებს როგორც აღმოსავლეთში იყო. იქაც განსაკუთრებულ საღვთისმსახურო დღედ ითვლებოდა კვირა, იმ დღისთვის „უნდა დაეტოვებიათ ყველას სოფლიური ზრუნვა“, ეკლესიაში უნდა მისულიყვენ სალოცავად. მე XII და XIII საუკუნეებში სამხიარულო და საგანგებო უქმეებში ერი გულს მოდვინეთ თვალ-ცრემლიანი მუხლს-იყრიდა. აქაც, რუსეთის ეკლესიაში, პირველი ადგილი ეკავა იმ დღეებში საქველ-მოქმედო სამოწყალო საქმეებსა. ისეთი სასტიკი დადგენილება არ ყოფილა-კი რომ მაინც-და-მაინც სოფლელთ თვის კეთილ-ნებით მუშაობა აღეკრძალათ. მე XII სეუკუნის

არავითარ სჯულ-დებულებაში არ არის მისთანა კანონი, რომელშიაც საერო მართებლობა რაიმეს აღგენდეს უქმეებისა და კვირა დღის თაობაზედ. მეფე მიხაილი და ალექსი უკრძალავდნენ-კი საერო გასართობებს. აღკრძალული იყო 1652 წ. ღვინის გაყიდვა კვირა დღეს. 1658 წ. სამ საათამდე დაღამების ყოველივე მუშაობა და ვაჭრობა აკრძალული იქმნენ. პეტრე დიდმა პირველს ხანებში არამც თუ წინააღმდეგი იყო გასართობებისა და ტყვილ უბრალოდ დროს გატარებისა, არამედ სიმხიარულე და მეჯლისი ძლიერ უყვარდა მას. დაბოლოს-კი იმანაც გამოსცა 1718 წ. ბრძანება, რომელიც ავალებდა ყველა წოდების კაცთა კვირა-უქმეებში ევლოთ ეკლესიაში წირვა-ლოცვის მოსასმენად. ეკატერინე II-ს დროს კვირა დღეს მუშაობა ისევ დაიწყეს მხოლოდ წირვის დროს ღვინოს ვერ გაყიდდნენ. არც თუ პეტრეს შემდეგ სხვა მეფეებს გულმოდგინეობა გამოუჩენიათ კვირა დღის შენახვაზედ. პავლე მეფემ ისევ აღადგინა კვირა დღის პატივისცემა. გლახებს მუშაობას უკრძალავდა სასტიკად იმ დღეებში იგი. უკანასკნელად 1833 წელს შეადგინეს ეგრედ წოდებული „Сводь законовъ“ რომელიც მე XIV ტომში ეხება კვირა დღეს უქმობას. «კვირა დღეს უნდა შესწყვიტონ მუშაობა და იარონ ეკლესიაში წირვის მოსასმენად.“ სახორციელო მთავრობამ ვალად დაიდგინა ღვთის-მსახურების შესრულების დროს დაიცოს მყუდროება როგორც ტაძარში, ისე იმის გარეშე-სასამართლოებსა და სასწავლებლებშიაც აღკრძალულია მუშაობა.*) სასმელების დუქნები უნდა დაიკეტონ წირვის გამოსვლამდე.

რაც შეეხება საქართველოს დღესასწაულებში სადიდებელად ღმერთებისა მონაწილეობას იღებდა მრთელი ქართველი ერი. როდესაც ხალხი ბომონისაკენ მიდიოდა, სხვა-და-სხვა საკრავებს უკრავდა და ზედ დამღეროდა. ჩვეულებრივ ხალხის წინ მიდიოდა მეფე-დედოფალი და დიდებულნი, რომელთაც წინ ხალხი ყვავილებს უფენდა. უმთავრეს დღესასწაულად ითვლებოდა არმაზის დღეობა (აგვისტოს 6) არმაზის ტაძრის ეზოში იმართებოდა ღვინი, სმა-ჭამა, ცეკვა და გალობა საერო და სასულიერო სიმღერებისა. ქრისტიანობის მიღების შემდეგაც ქართველი ერი დაიარებოდა ეკლესიებში კვირა-უქმე დღეებში

*) Православная Богословская Энциклопедия т. III ч. 2 издание Лопухина. 1902 г.



ღვთის სადიდებლად. რუის-ურბნისის კრებამ (1103 წ.) შემდეგი დადგენილება გამოსცა სხვათა შორის ამ ჩვეულების შესახებ: „ნუმცა მონასტერთა შინა შექმნა ესევეროთა ერის კრებათა, ნუმცა რა სხვა სამოქალაქო და სასოფლო წესი ქმნულ არს მონასტერსაშინა.“ მაშასადამე ჩვენს ერშიაც აუკრძალავთ ყოველივე ისეთი რამე სასოფლო და სამოქალაქო წესი, რომელსაც სარჩულად არ ექმნებოდა ღვთის ვედრება. კვირა-უქმე დღეებში სოფლად მუშაობა არ იყო. წირვა-ლოცვის მოსასმენად ყველა წოდების და ჰასაკის კაცი დაიარებოდა. იყო მისთანა ხანა ჩვენის ქართველების სარწმუნოების ცხოვრებაში როდესაც საერო საეკლესიოს გადააქარბებდა, რის გამო ეკლესიური ჩვეულებანი, წესები და ადათები ხან ფეხს იკვლიდნენ, ხან სრულიად დაიკარგებოდნენ. მაგრამ ღმერთს მაინც თითო ოროლა ბნელში სინათლის მაჩვენებელი ამა თუ იმ დროს გამოუჩენია და ამით აღუდგენია სარწმუნოება. მაგ. თუმცა XVIII საუკ. სარწმუნოების ზოგიერთი მხარეები ირყეოდნენ, მაგრამ კათალიკოსმა ანტონი I აამაღლა და ისევ წესიერ კალაპოტში ჩააყენა თვისი დაუღალავის შრომით სარწმუნოებრივი ქართველერთა ცხოვრება. მან უმეტესი ყურადღება მიაქცია კვირა-უქმე დღეების დაცვაში სხვათა შორის.

დასავლეთ ევროპაში ხან-დისხან თუმცა მტკიცედ არ იყო დაცული კითხვა შესახებ კვირა-უქმეების შენახვისა მაგრამ უკანასკნელად იქაც სასტიკი ყურადღება იქმნა მიქცეული ამაზედ. საფრანგეთში 11 მარტს 1891 წ. შესდგა კვირა დღის შესვენების ლიგა. მოვაჭრეებმა განიზრახეს მუშაობის შეჩერება კვირა დღეს და რკინის გზის ამხანაგობათ—მატარებლების შეჩერება. ავსტრიაშიაც მიაქციეს კვირა დღეს ყურადღება. 1885 წელს ეპისკოპოსებმა გამოსცეს ეპისტოლე, რომელშიაც უმარტავდნენ ერსა პატივი ეცათ კვირა დღისათვის.

ახლა თვალი გადავავლოთ და გავიგოთ როგორ სრულდება ჩვენში კვირა-უქმე დღეები? კვირა-უქმე დღეებში ჩვენში ჩვენ ვამჩნევთ ორს უკიდურესობას. არიან ისეთები, რომლებიც ნამეტანს სასტიკობას იჩენენ კვირა-უქმე დღეებში. ზოგიერთები ხელეზ-გულზე დაკრფილნი სხედან და სრულიად არ გაიძრევენ ხელს არაფერზე. განა არ შეიძლება

ჩვენი კერძო მიუცილებელი საქმეები გავაკეთოთ იმ დღეს ისე კი, რომ ზარალი არ მივსცეთ ჩვენს სულს, ე. ი. უკეთუ შევასრულებთ მათ ლოცვით და ვედრებით. ზოგიერთს უკიდურეს შემთხვევებში ამ ნაირი საქმიანობა თუ შეიძლება, თორემ წინააღმდეგ შემთხვევაში გამოვა კვირა-უქმისადმი არა პატივისცემა. უქმობა იმაში უნდა მდგომარეობდეს რომ უპირველესად სულით და გულით ვიუქმოთ ეს დღე. ურიებს რომ მივბაძოთ ისიც არ ივარგებს. არიან ჩვენში ისეთი უქმეების შემნახველნი, რომელთათვის არსად არც დაწერილია ჭ არც გაგონილა უქმედ. ავიღოთ პარასკევი დღე. ამ დღეს ბევრს ადგილას ჩვენში არ მუშაობენ, „მიწარობა“ ყოველად აკრძალულია. სულით და გულით კერძოთ მე ვცდილობ ამ დღის არა გაუქმებას, მაგრამ არასოდეს არ მოხერხდა. ეს უქმე ალბათ თათრების გავლენის ქვეშ რომ ვიყავით მაშინდელი შამოდებულობა და ისე მაგრად აქვს გადგმული ფესვი მას ხალხში, რომ მის მოსპობას კი ხანი მოუწდება. გაგიგონია ზოგიერთებს უცხო ქვეყნებში ხუთშაბათობით მოსწავლეებს ასვენებენ და იმ დღეს არ ასწავლიანო, მაგრამ ეს პარასკევი რა მოხელეა? ავიღოთ კიდევ სხვა უქმეები; კობინჯრობა, ჭაბუკობა, 7 და 8 მაისი და სხვანი. ამ დღეებში გარდა იმისა რომ ხალხი ტყვილაა, აგრეთვე კერბთ-თაყვანის მცემლობას ეძლევა და ნამეტანის ხარჯებით და ღვინის სმით ჯიბესაც იცარიელებს და ხშირად უსიამოვნებასაც ჩამოაგდებს ერთმანეთს შორის...

მეორე უკიდურესობა უქმობაში გამოიხატება მით, რომ კვირა-უქმე დღეს წირვა ლოცვას გაურბიან და სამიკიტნოებში აღამებენ ლანძღვა-გინება და ლოთობაში. ასეც შეიძლება: იმ დღეს გასწიოს კაცმა ტყეში ხარ-ურმით, დატვირთოს სხვისი ნაამაგარ-ნაწვარ-ნადაგი ხე ტყის მასალით და სახლში დაბრუნდეს. უქმესაც სტენს, ხარებს აწვალებს, არ ასვენებს და ქურდობს.

ყველაზე უფრო სამარცხვინო არის პარასკევის გაუქმება, წელიწადში პარასკევი მოდის 52, მაშასადამე ამ დენი დღეები გამცდარია, როდესაც შეიძლება მისთანა საქმე უყურებდეს იმ დღისათვის მუშა კაცს, რომ იმ დღეს ერთი მანეთი ღირდეს იგი. ამისთანა პარასკევებს და სხვა დღეების ხალხისაგან გამოგონილებით, ჩვენში ყველა მხარეები შეიცვალა-შეიბლალა. სარწმუნოების მხრით თუ ავიღებთ არ

შეპფერის ქრისტიანეს თათრის პარასკევის ვაუქმება, ეკონომიურის მხრითაც კიდევ დაქვეითდება კაცი უმუშევრობით, როდესაც უიმისოთ შევიწროვდა მამული, გამოიფიტა ნიადაგი და ნაყოფს ნაკლებათ იძლევა. ამ დაბოლო დროს ხშირად განმრავლებულის შიმშილობისა გამო რუსეთში მიაქციეს ყურადღება ამ ხალხისაგან შემოღებულს უქმეებს. შესდგა I წ. Высочайше учрежденное особое совѣщаніе о нуждахъ сельско-хозяйственной промышленности. 23 ნოემბერს 1902 წ. და 11 იანვარს 1903 წ. რომელმაც დასკვნა: ეთხოვოს სინოდის ობერ-პროკურორს მიიქცეს წინადადებით უწ. სინოდისადმი, რომ უწმიდესმა სინოდმა დაავალოს ეპისკოპოსების მეოხებით სოფლის სამღვდლოებას: განუმარტონ მრევლთ ჭეშმარიტი მნიშვნელობა უქმეებისა და თანახმად სინოდის განკარგულებისა 10 ივნისს 1867 წ. ეცადონ საცა შეიძლება მიაჩვიონ ხალხი შრომასაო, ააცილონ მათ დამღუპველი უქმის-მოყვარეობა, აგრეთვე ხალხისაგან შემოღებულის უქმეების მოსობაო. ვინ არ იცის თუ რამდენად ჰლუპავს ჩვენ ხალხს „დღეობის“ გადახდა? წლის განმავლობაში რომ ერთ ბოთლი ღვინო არ დალიოს იმ დღისთვის 5 ჩაფი ღვინო მაინც უნდა იყიდოს კაცმა, ახლა მისი ხორცი და პური. რაც უნდა პატარა სოფელი იყოს ღვინოსა და სხვა ხარჯებში 1000 მანეთი მაინც დაეხარჯება. ახლა რამდენი ლანძღვა-გინება, ჩახა-ჩუხი და კვლაც-კი. რამდენი კაი საქმე შეიძლებაოდა ამდენის ხარჯის ფულით გაკეთებულიყო სოფლადაა!?

ხალხთან ახლოს ვინ სდგას? ისევ მისი მოძღვარი. ყოველისფერს შენ გაკისრებენ მამაო, მაგრამ ჯერ კიდევ იდეალამდე შორს ხარ. სამწუხაროდ უქმანობაში ხანდის-ხან უთანხმოებაც-კი ჩამოვარდება ხოლმე მოძღვრებს შორის. ერთი რომ აუქმებინებს ხალხს, მეორე გაიძახის: „დღეს რა უქმეაო!?!“ ამის გამოცნობა თუ რამეღი უქმეა და რა ნაირი, დადა, თუ ზატარა, კალენდრის და ჟამნის შემწეობით ყველას შეუძლია. ამას რომ გავიგებთ უნდა განემარტოს ხალხს როგორ შეიძლება იმ დღის გატარება: ეკლესიაზედ სიარულით და მოძღვრების მოსმენით. რამდენი კარგი ნაწერებია სარწმუნოებრივ შინაარსისა და სამეცნიეროცა. ამ წიგნების მეოხებით შეიძლება გაემართოს ხალხს საუბარი უქმის შენახვის თაობაზედაც და ცხოვრების როგორც სულიერის ისე საეროსი უკეთ მოწყობაზედაც. ეს მით უფრო საამდროო, ეს საშეალება, რომ დღეს აქ-იქ ლიბერალებმა იჩინეს თავი თვისის ახალის შეხედულებით სარწმუნოებაზედ.

მდ. კ. ანთაძე.

კიევის სასულიერო აკადემიის რექტორი ე-დ სამღვდლო პლატონი ქუთაისში.

რვა ივლისს ქუთაისში მობრძანდა სტუმრად კიევის აკადემიის რექტორი ყოვლად სამღვდლო პლატონი იმერეთის ეპისკოპოსს ლეონიდესთან. მეორე დღეს ყ-დ სამღვდლო პლატონი ერთად ყოვლად სამღვდლო ლეონიდიტურთ წაბრძანდენ გელათის მონასტერში დასათვალიერებლად.

გელათის მონასტერში ყოვლად სამღვდლოთ დაუხვდა მთელი კრებული, უგალობეს ღირსაარსი, ხატების მთხვევის შემდეგ ყოვლად სამღვდლო პლატონი მიბრძანდა პირდაპირ ხახულის ღვთისმშობლის ხატთან. მთელ საათზედ მეტი გავიდა და ყოვლად სამღ. პლატონი კიდევ ვერ შორდებოდა ხატსა. მოაგონეს, დღეს წაბრძანებას აპირებთ და სხვა ნივთებს ველარ დაათვალიერებთო. „თუნდაც ხუთი დღე დავრჩე, მაინც კარგად უნდა დავათვალიეროო. რა მდიდარი თემაა აკადემიის სტუდენტებისთვის და ხელს-კი არავინა ჰკიდებსო, ჯერ არსად მინახავს ამის აღწერაო.“*)

სწორედ შუადღის ორი საათი იყო როცა სტუმარ-მასპინძელი დაბრუნდნენ ქუთაისს. აქ ყოვლად სამღვდლო ლეონიდს სადილი ჰქონდა მომზადებული. სადილის დროს ბევრი რამ უსურვა ყოვლად სამღვდლო პლატონმა ყოვლად სამღვდლო ლეონიდს, საქართველოს და მის ახალთაობას. განსაკუთრებით ახალთაობას უსურვა ყოვლად სამღვდლო პლატონმა, რომ მეტი შნო და უნარი გამოეჩინოს თავის მამულის სიძველეთა შესწავლაში. ყოვლად სამღვდლო ლეონიდმა სთხოვა ყოვლად სამღვდლო პლატონს მიაქციოს ყურადღება თავის აკადემიაში ქართველ ახალგაზრდობას და გამოზარდოს საქართველოს კარგი მამულიშვილები. ყოვლად სამღვდლო პლატონმა სინანული გამოამცხადა, რომ აკადემიაში, ცოტაა ქართველი სტუდენტი და ბევრის გაკეთება არ შეუძლიანთო.

მართალია ჩვენ, ქართველები ტკბილი სიტყვი-თაც აღტაცებაში მივდივართ, დიდი ნუგეში გვწვევთება გულში და, თუ სტუმარმა შეგვაქო, მეტი

*) რომელი სტუდენტი შესძლებს ამ ხატის აღწერას? მრავალმა სტუდენტმა არც-კი იცის ხახულის ღვთისმშობლის ხატის არსებობა...

რედ.



ქათინაური გვიტხრა, ხომ ცას ვეწვეით, მაგრამ ყოვლად სამღვდელიო პლატონი სულ სხვა შთაბეჭდილებას ახდენს ადამიანზედ. იგი ლაპარაკში პირდაპირი ჭ მოურიდებელია, არ უყვარს ქათინაურები, ნაკლულევანებას პირდაპირ ამბობს, შეხედულება დროს შესაფერი, ფხიზელი, ჭეშმარიტი, ადამიანური, დიდად დაკვირვებული და თავდაჭერილი კაცი უნდა იყოს, ამასთანავე ღრმად განათლებული. იმედია ამისთანა კაცი პოლიტიკას არ გამოუდგება, ჩვენ ქართველებზედ ნამდვილ შეხედულობას იქონიებს, ადამიანებად ჩავვაგვადებს და ჩვენ შვილებს ჩაუნერგავს მამულის სიყვარულს, ურომლისოდაც ეს შვილები არც ჩვენ გამოგვადგებიან და არც ჩვენს მფარველად მოწოდებულს რუსეთის ჰუმანურ სახელმწიფოს.*) („ივერია“)

წ ე ს ი

რომის ზანთა აღმორჩევისა

პაპს ირჩევენ კარდინალები. რამდენსამე საუკუნეს პაპს ირჩედა რომის სამღვდელიობა. ერთი თანამონაწილეობას იღებდა, მაგრამ დროთა განმავლობის შემდეგ პაპის აღმორჩევა განსაკუთრებით კარდინალებს მიენდო.

კარდინალთა რიცხვი არის სამოც-და-ათი.

სიქსტმა V 1586 წ. გარდასწყვიტა, რომ კარდინალთა რიცხვი იყოს სამოც-და-ათი. ამათში ექვსი კარდინალი ეპისკოპოსია; ორმოც-და-ათი კარდინალი—მღვდელი; თოთხმეტი-კი დიაკონი.

როდესაც პაპი მძიმედ ავად არის, მოიწვევს ყველა თანამხლებელ კარდინალს და მაშინვე აღიარებს თავის სარწმუნოებას, „მწამს“, დაასაჩუქრებს, ვისაც უნდა და სთხოვს ილოცონ მისთვის. კარდინალ ანუ საქრისტიერ პრელატისაგან მიიღებს წმინდა ზიარებას და დიდ სააღსარებო მამისაგან სრულ შენდობას; თუ მისმა მდგომარეობამ ნება მისცა, მაშინვე მოიწვევს წმინდა კრებას და მის წინაშე განიმეორებს თავის სარწმუნოების აღვიარებას და მიანდობს მათ ეკლესიასა ღვთისასა და ვედრებით,

*) განა ფიქრობს ვინმე ამაზე?

რედ.

რომ იზრუნონ და აღმოიჩინონ ერთი კეთილი მწყემსი თავად ეკლესიისა. რომელმაც მწყსოს ცხოვარნი და კრავნი. მღვდელი საქრისტიერი არს დროს არ სტოვებს სულთ მობრძავს პაპს.

ბოლოს ზეთის ცხება შესრულდება და სულთბრძოლის ლოცვებს კითხულობენ და ერთ ნაწილს ვნების სახარებისას. როდესაც პაპი სულს მიაბარებს ღმერთს, მაშინადვე კარდინალ-კამერლენგი სოსნის ფრად შემოსილი, შვეა ახალ მიცვალებულ პაპთან, რომლის გვამი თეთრი სუდარითაა შებურვილი. კარდინალი მუხლს მოიყრის, მოკლედ ილოცავს და ადგება; მსახურნი ოთახისა ახლიან პაპს პირისახეს. კამერლენგი მიუახლოვდება ცხედარს და სამჯერ შეახებს ვერცხლის კვერს თავზედ და მოუწოდებს თავის სახელით; შემდეგ მობრუნდება თანადამსწრეთადმი და ეტყვის მკაფიო ხმით: “პაპი ჭეშმარიტად მიიცვალა“.

მაშინვე წმინდა კრება შესდგება აღმოსარჩევად პაპისა. კარდინალები, შეკრებილნი პაპის აღმოსარჩევლად, მიიღებენ სხვა სახელს. ამ კრებას ეწოდება კონკლავი (თათბირი). რამდენიც კარდინალია, იმდენი სხვა-და-სხვა დარბაზ-ბჭობაა. თვითეულს კარდინალს თანა ჰყავს ან ერთი ან მრავალი ეკლესიის მსახური, რომელთაც ეწოდებათ მოთათბირენი (კონკლავისტნი).

ათის დღის შემდეგ პაპის სიკვდილისა, კარდინალები შეიკრიბებიან ვატიკანის ეკლესიაში, სადაც სულის წმინდის წირვასა სწირავს უფროსი კარდინალი. კვლად ერთი პრელატი ამბიონიდან წარმოსთქვამს ლათინურად სიტყვას და ურჩევს კარდინალებს მალე და სრულის კანონიერებით აღმორჩევა მოხდეს. სთხოვს დაასახელონ ღირსეულნი უწმინდესის მოსაყდრობისა ამ ქვეყნად, იესო ქრისტესი.

ნასადილევს კარდინალები შეიკრიბებიან წმიდა სილიბისტრეს ეკლესიაში. იქიდან ლიტანიით წავლენ საბჭოს პალატაში, სადაც კონკლავია.

სალამოზედ ყველა უცხოს დაითხოვენ პაპის აღმორჩევამდე. უცხოსა და გარეშესთან ამომრჩეველებმა არავითარი ურთიერთობა არ უნდა იქონიონ.

მეორე დღეს, საათის რვაზე, დარეკავენ პირველ ზარს, მერე მეორე ზარს ნახევარ საათს შემდეგ. მესამეს კიდევ ნახევარ საათს შემდეგ. ზარის დარეკის დროს ყველა კარდინალებს ჩამოუვლიან და ეტყვიან სენაკის კარებიდან: ad capellam Domini



(სახლისად უფლისა), ესე იგი კენჭის საყრელად შეიკრიბენით საყდარშიო. კარდინალები შევლენ წმინდა პავლეს კაპლიცაში, მოისმენენ წმინდა წირვას და, ცოტა ხნის შემდეგ, განიხილვენ ხმების რიცხვსა და ვისაც მომეტებული ხმა ამოუვიდა, იგი იქნება არჩეული პაპად. უმფროსი კარდინალი წავა და პაპად არჩეულს შეეკითხება, გსურს ნებით ატვირთო ეს ვალდებულება თუ არაო. დათანხმდება თუ არა, შეეკითხება, რა სახელი გინდა დაირქვაო. მერმე ორი კარდინალი — დიაკვანი ტრაპეზს უკან მიიყვანენ და შემოსამენ თეთრად; მიბრძანდება შუა ტრაპეზზედ და ყველა კარდინალი მუხლს მოუყრის. მუხლ-მოდრეკილნი ფეხსა და ხელზედ ემთხვევიან: ყველანი ადგებიან და მშვიდობის ამბორს უყოფენ პაპს. მერმე კამერლენგი-კარდინალი მიართმევს პაპს ერთ ბეჭედს მესათხვევლისას (მეთევზისას), რომელზედაც ახალი პაპის სახელი აღიბეჭდება. კვლად პირველი კარდინალი — დიაკვანი ერს გამოუცხადებს: „სასიხარულო ამბავს მოგახსენებთ, რომელმაც დიდი სიხარული უნდა ჰბადოს თქვენს შორის. გვივის პაპად უუმაღლესი და უუწმინდესი უფალი (სახელი), რომელმაც მიიღო ახალ სახელად

ასეთია წესი პაპთა არჩევისა. სულ იყო დღემდე 271 პაპი. მათ შორის პირველი პეტრე მოციქული, დამაარსებელი რომის ეკკლესიისა. ამის მოადგილე იყო წმ. ლინუს 69 წ. ქრისტეს შემდეგ. პაპთა შორის შესანიშნავი იყო წმ. სილიბისტრო I, რომელმაც წერილი მოსწერა წმინდა ნინოს. ქართველთა განმანათლებელსა, ლეონ დიდი I (440 წ. არჩეული), გრიგოლ დიდი I 590 წ., რომელმაც მოსწერა წერილი საქართველოს კათალიკოზს კირიონს, ივერიის ეპისკოპოსთა და სამღვდელოებას მეორედ მონათვლის შეუძლებლობის შესახებ, ნიკოლოზ დიდი I (858 წ.) ჰონორიო II (1124 წ.), ევბენიუს III 1145 წ.), რომელმაც თამარს მოსწერა წერილი, გრიგოლ IX (1237 წ.), ურბანო VIII (1623 წ.). ამ პაპს ხშირი მიწერ-მოწერა ჰქონდა ჩვენს მეფეებთან, ინოკენტი XIII (1724 წ.), რომლის დროსაც საბა სულხან ორბელიანი გაიგზავნა რომში მეფის ელჩად. („ივერია“)

სომხის კათოლიკეთა სურვილი.

ორას სამოც-და-ათ წელიწადზე მეტია, რაც კავკასიის სომხის კათოლიკენი განიგებოდნენ მშვიდად და წყნარად ახალციხის სასულიერო მმართველობის ხელმძღვანელობით.

ეს გამგეობა, რომელიც ნეტარ-ხსენებულის შახულიანცის დროინდელია და დამტკიცებულია რომის პაპისა და რუსის მთავრობის მხრივ, ჰსწყვეტდა სომხის კათოლიკეთა საეკლესიო დაფებსა, ამზადებდა და წრთენიდა დიაკვნებსა და მთავრებსა და გზავნიდა სარატოვს, რათა იქ მჯდომის ლათინთ ეპისკოპოსის ხელთაგან მიეღო სასულიერო წოდება.

იქ ხელდასხმის წესი სრულდებოდა ლათინურის ენით, რომელიც სრულიად გაუგებარი იყო სომხის დიაკვნისათვის. ამ ჟამამდეც ეგრეა საქმე. სამწუხარო ამბავია, მაგრამ სხვა ღონე არ არის, რადგანაც დღემდე კავკასიას არა აქვს თავისი საეპისკოპოსო კათედრა, არა ჰყავს სომხის კათოლიკე ეპისკოპოსი.

მაგრამ, თითქო ეს არ ყოფილიყოს საკმაო, ეხლა სალაპარაკო გამხდარა უფრო სამწუხარო საქმე. აი თუ როგორ:

ქართულად მოლაპარაკე კათოლიკენი, რომელიც კერძო ნებაყოფლობით თავიანთ თავს ქართველ რომის კათოლიკეს უწოდებენ, უკანასკნელ დროს უგულვებელ ყოფით ეკიდებიან ახალციხის სასულიერო მმართველობას, თავიანთ შეილებს სასწავლებლად ჰგზავნიან ლათინის სემინარიაში და სარატოვის ახლად დამტკიცებულის ეპისკოპოსისაგან გამხნეებულნი ცდილობენ ეკლესიებიდგან განაძეონ სომხური და მის მაგიერ შემოიღონ ლათინური ღვთის მსახურება...

მაგრამ ეს მეშფოთრები ამაოდ სცდილობენ, გული აუზღვრიონ სომხის კათოლიკებს, ამაოდ სცდილობენ მათ დას-დასებად დაყოფას. სომხის კათოლიკენი ვერასოდეს განეყოფიან თავიანთ დედენას და არც დასთანხმდებიან თავიანთ ეკლესიებში გაუგებარის ლათინურის ღვთის-მსახურების ნებადართონ.

პირიქით, ყოველნაირად უნდა ეცადონ და განახორციელონ თავიანთი სურვილი, რომელსაც ეტრფიან დიდი ხანია.

ეს სურვილია — კავკასიაში იყოლიონ სომხის კათოლიკე ეპისკოპოსი, რომელსაც, როგორც უმა-



დღეს უფროს, შეეძლოს ხელდასხმის შესრულება და საეკლესიო მორიგი საქმეების მართვა.

კავკასიაში საკუთარი საეპისკოპოსო კათედრის დამტკიცების შემდეგ მოსახერხებელი იქნებოდა საკუთარს სემინარიის დაფუძნებაც სომხის კათოლიკეთათვის. აქ გამოიზრდებოდნენ კათოლიკე სასულიერო პირნი, აქ გაიცნობდნენ დედა-ენას საეკლესიო წესებთან ერთად და მით საფანელი ხელთ ექმნებოდათ სამსახურებლად თავიანთი მაღალის მოწოდებისათვის.

მართალია, აღრეც იყო გამოთქმული ასეთი სურვილი, მაგრამ უდაბნოში მლაღადებელის ხმად დარჩა. ხოლო ეხლა იგი ჟამის მომწიფებული მოთხოვნილებად გამხდარა, გადაუდებელ და მორიგ მოთხოვნილებად...

სასურველია, ეხლა მაინც დასცეს — დასტური რომის უმაღლესმა მთავრობამ ამ მოთხოვნილებას ღ განახორციელოს კავკასიის სომხის კათოლიკეთა გულითადი სურვილი. (ივერია)


სახარელი მკვლევობა. — ქველის ჩვეულებით ტირილი.

ქორწინებისა ან სხვა რაიმე მხიარულების დროს ინერლები დაიარაღებულნი ვართ: ხანჯლით, ხმლით, თოფით, რევოლვერით, დამბაჩით და ერთად-ერთი ზარბაზანი-და გვაკლია.*) ეს დღე თითქო საბრძოლველი დღე იყოს, თითქო ამ დღეს უნდა გადაწყდეს ჩვენი ბედ-იღბალი. ქორწინების შემდეგ იწყება ტაძრის გალავანში შეუწყვეტელი სროლა, თითქო დიდი შესამჩნევი მოვლენა რამ მოხდა საქართველოში, თითქო უკუღმართობა, მტარვლობა ძირს დასცესო. ასეთ ამბებს, რაღა თქმა უნდა, ძალიან უწყობს ხელს ნუნა. ხშირად მტერი მოყვარედ ეჩვენება და მოყვარე—მტრად. სწორედ ამიტომაც ქორწინებასა და დღესასწაულებზე ხშირად ხდება ხოლმე მკვლევობა; ხშირად სჭირან და სჩვენენ ერთმანეთს. ეხლახან ერთმა ოჯახმა შვილის გამაბედნიერებელი ქორწინება გადაიხადა. ჯვრის დაწერის შემდეგ სახლში დაბრუნებულმა მაყარებმა გამართეს სროლა. ერთმა ნუნ უსაგან გაბრუნებულმა მაყარებმა მოისუვა თოფის გასროლა, მაგრამ ღვინისაგან ქკუა-დაბნე-

*) მერმე რისთვის? ერთი ქურდი თუ მოვიდა ვინმე სოფელში მაშინ ეს ჩვენი შეიარაღებული ბატონები შიშით გარეთ თავს ვერ გამოყოფენ! რედ.

ულმა მაყარმა იქით აქნევიანა თოფს თავი, საითაც ხალხი იყო, გაისროლა თოფი და საცოდავ ახალგაზდა გასათხოვარ ქალს გულში დააჯახა. ქალმა რამდენსამე ხნის შემდეგ სულა განუტევა.

ხონში ერთხანად ტირილს ბოლო ეღებოდა, ვეღარ ვხედავდი სატირლებში მდიდრულად გამართულ სუფრებს, რომელსაც ირვლივ უსხდნენ მეხევნი და ხშირად, უზომოდ მთვრალნი, შესანდობელის ნაცვლად მკვდრის სადღეგრძელოს სვამდნენ. აღარ ვხედავდი ყველა ამას და მეგონა ტირილს ბოლო ეღება-მეთქუ, მაგრამ იმედი გამიცრუვდა. ეხლა ისევ ყველა ებლაუჭება ძველ ჩვეულებას. ამ უკანასკნელ ხანებში, სადაც კი ტირილი იყო, ყველგან ძველის წესით, ძველის ჩვეულებით. ზოგიერთებს ჰგონიათ. თუ ძველებურის ზემით არ მოახდინეს მიცვალებულის ტირილი, ამით შეურაცხყოფილი იქნება მიცვალებული!.. („ცნ. ფურ.“)



შურნალ-გაზეთებიდან.

„კავკასიის პოლიტეხნიკუმ“-ის შესახებ „ბირჟ. ვედომოსტ“-ი სწერს:

როგორც გაზეთები სწერენ, ამა წლის შემოდგომაზე გადასწყდება საქმე კავკასიის პოლიტეხნიკუმის შესახებ. კარგა ხანია ეს საქმე ძილს უფრთხობს კავკასიელებს. კარგად ჰგრძობენ კავკასიელნი, რომ უნივერსიტეტი სჯობია პოლიტეხნიკუმს, ამიტომ წინად უნივერსიტეტის დაარსებას ოცნებობდნენ. მაგრამ... ოცნება გაჰქრა. კავკასიელნი დარწმუნდნენ, რომ უნივერსიტეტს მალე ვერ ეღირსებიან. მაშინ პოლიტეხნიკუმზე ჩამოაგდეს ლაპარაკი. იმის დაარსება უფრო ადვილ საქმედ მიაჩნდათ. კავკასიელნი მხნედ, მედგრად შეუდგნენ საქმეს. ყველა წოდებამ, ყველა ქალაქმა ერთხმად განაცხადეს, რომ კავკასიისთვის უმაღლესი სასწავლებელია საქიროო. ყოველ მხრიდან შემოწირულება მოდიოდა. სწირავდნენ ქალაქები, თავად-აზნაურობა, მრეწველნი ვაჭარნი. ბოლოს თითქმის მილიონი შესწირა ნავთის მწარმოებელმა მანთაშევმა- ფულის მხრივ ამ რიგად დაბრკოლება არ იყო.

დარჩა პრინციპიალური მხარე. ყველასათვის აუკარაა, რომ კავკასია დიდ ხანს იგივე იქნება, რაც ეხლათ—მშვენიერი, საუცხოვო და მდიდარი, მაგრამ



ამავე დროს მკედარ, სიცოცხლე მოკლებულ, მოუხეშავ და უფიც კუთხედ. რუსეთი წინ მიდის და უფიცმა განაპირა ადგილებმა უნდა შეაჩერონ თავისუფლად განვითარება რუსეთის ხალხისა.

ბევრს ჰფიქრობენ ესლა განაპირა ადგილების „გარუსების“ შესახებ. ამ მხრივ კავკასიაზე ლაპარაკი-კი მეტია. აიღეთ კავკასიის ადგილობრივ მკვიდრთა ინტელიგენცია და დაინახავთ, რომ იგი სრულიად გარუსებულია. ამ ინტელიგენციამ კარგად იცის რუსული ენა, იცნობს რუსულ ლიტერატურას, უყვარს იგი და, რაც უმთავრესია, ესმის ეს ლიტერატურა. შეადარეთ ადგილობრივი ინტელიგენცია შიდა რუსეთის რომელსამე ქალაქის ინტელიგენციას. ვერაფრთარს განსხვავებას ვერა ჰნახავთ: ერთი და იგივე გონებრივი ინტერესები, ერთი და იგივე შეხედულება. ვინ ან რამ „გაარუსა“ კავკასიის ადგილობრივი მკვიდრნი? რაღა თქმა უნდა, არა იმ პოლიტიკოსმა პუბლიცისტებმა, რომელნიც ყველგან და ყველგან შიდა დასავლეთში დალატა ჰხედავენ. განაპირა ადგილების გარუსება რუსეთის ლიტერატურისა და მეცნიერების საქმეა. ლიტერატურა და მეცნიერება ზრდიდა ადგილობრივ ინტელიგენციას, ასწავლიდა — როგორ უნდა იფიქროს რუსულად. ერთმა ლექსმა პუშკინის პოემიდან, ერთმა გვერდმა ტურგენევისა ან ტოლსტოის რომანიდან ათასჯერ მეტი გააკეთა, ვიდრე მოძალეობით აღსავსე გაზეთის წერილების მთელი ტომი. ასეთი წერილები მთლად მტრობასა და სიძულვილს სთესენ.

რაღა თქმა უნდა, მეცნიერება თავისუფალი უნდა იყოს. პოლიტიკა არ უნდა ამოუყენონ გვერდში მეცნიერებას. მეცნიერებას არ ეთქმის: „გარუსებას“ მიჰყავ ხელიო! სისულელე, სიველურე იქნებოდა ესა. მაგრამ, ვიმეორებ, მეცნიერება თავის-თავად, სხვათა უბრძანებლად ათანასწორებს ხალხს, აახლოვებს, მეგობრებად ჰხდის. ამიტომ ვამბობ: უმაღლესი სასწავლებელი საქიროა კავკასიაში პოლიტიკურად-კი. საოცარია მხოლოდ, როგორ ვერ მიჰხვდნენ ამას ის კავკასიელი პუბლიცისტები, რომელნიც სიძულვარით არიან აღსავსენი. უნივერსიტეტი კავკასიაში ისეთი ელემენტი, ისე დამაკავშირებელი იქნება რუსეთისა და კავკასიისა, რომელსაც ვერაფრთარი ისტორიული ქარიშხალი ვერ გაანადგურებს. თუ ესლა ადგილობრივი ინტელიგენცია თითქმის იგივე რუსის ინტელიგენცია, უმაღლესს სასწავლე-

ბლის დაარსების შემდეგ გაჰქრება უკანასკნელი ეროვნული განსხვავება-კი. მეცნიერება გაურბის ნაციონალიზმს. იმას საქმე მხოლოდ ადამიანებთან აქვს. ქეშმარიტება ერთია ყველასთვის, იგი ყველას აახლოვებს.

* *

ბერლინიდან იუწყებიან: თუმცა ოფიციალურად უარ ჰყოფენ, მრავალთაგან, რომელნიც ყოფილადის ნდობის ღირსნი არიან, მოვიდა ცნობანი რომ კვლავ მეტის ძლიერებით იფეთქა აჯანყებამ მაკედონიაში. ოსმალეთის მთავრობამ მიჰპართა დიდთა სახელმწიფოთ და აუწყა საქმეთა დღევანდელი მდგომარეობა, თან განსაკუთრებით აღნიშნა, რომ ყოველივე შევასრულე, რაც ძალ-მედვოა, თუმცა მრავალი დაბრკოლება გადაგველობა წინაო. მთავრობა ამბობს აგრევე, კვლავაც ასე ვფიქრობ ვიმოქმედო, მაგრამ საქმეთა ვითარება ძალიან გაძნელებულია. — იმავე გაზეთს აუწყებენ სოფიიდან, რომ, როგორც ერთხმად ამბები მოდის აჯანყება მაკედონიაში ხელახლად ძლიერდებაო.

* *

პაპის ლეონ მე-XIII-ე გარდაცვალების შემდეგ კათოლიკე ეკლესიის მმართველობა კარდინალ-კამერლინგის ორელიას ხელში გადავიდა. ორელიას სამი სხვა კარდინალიც ეხმარება: სერაფიონ ვანუტელი, დი-პიტერო და მაკი. თავდაპირველად ორელიამ უცხოეთის ელჩებს ვატიკანში და პაპის ელჩებს უცხოეთში ოფიციალურად შეატყობინა პაპის გარდაცვალების ამბავი. სტატუს სეკრეტარი კარდინალი რამბოლა იმავე დღეს სტატუს-სეკრეტარის თანამდებობიდან გადადგა, რადგან უცხოეთის საქმეთა ხელმძღვანელი ესლა თითონ კარდინალი ორელია იქრება. 8 ივლისს, დილით, კარდინალთა კოლეგიამ პირველი სხდომა გამართა. კოლეგიაში ამ ჟამად სულ 63 წევრია; ამათში 38 იტალიელი და 25 უცხოელი (8 — საფრანგეთიდან, 5 — ესპანიიდან, 5 — ავსტრო-ჰუნგრეთიდან, 3 — გერმანიიდან, 1 — ბელგიიდან, 1 — ირლანდიიდან, 1 — ამარიკიდან და 1 — ავსტრალიიდან. პაპის ასარჩევად, ალბად, ყველა კარდინალი შეიკრიბება, მარანისა (ავსტრალიიდან) და იქნება ლანჟენიეს (საფრანგეთიდან) გარდა, მაგრამ ამ ჟამად კარდინალთა უმეტესობა ჯერ არ მოსულა რომში და პირველ სხდომას მხოლოდ 28 კარდინალი დაესწრო. რადგან ლეონ XIII არჩენის თაობაზე არაფერი განკარგულება არ მოუხდენია, ამიტომ კარდინალებმა გადასწყვიტეს, რომ არჩენები ჩვეულებრივის წესით მოხდეს რომში.



სხდომის შემდეგ კარდინალებმა მიიღეს ავსტრო-პუ-
ნგრეთისა, საფრანგეთისა და პორტუგალიის ელჩები,
რომელთაც თავიანთ მთავრობის სახელით სამძიმარი
გამოუცხადეს პაპის გარდაცვალების გამო.

9 ივლისს კარდინალები შეიკრიბნენ და ყვე-
ლამ ფიცი მიიღო. ფიცის შემდეგ, ლეონ მე-XIII-ს
პოლიტიკური ანდერძი გახსნეს და წაიკითხეს.
ანდერძის უმთავრეს ამსრულებლად რამპოლა ყო-
ფილა დანიშნული. ანდერძი ორის წლის წინად
შეუდგდნია განსვენებულ პაპს და საკუთარის ხელით
დაუწერია. ამავე დროს პაპის კერძო ანდერძი
გახსნეს; ამ ანდერძით პაპს მთელი თავისი ქონება
ეკკლესიისათვის დაუტოვებია.

რომიდან იწერებინან: პაპის არჩევანი 19 ივლისს
დაიწყება. კარდინალები თან და თან იკრიბებიან.
ხმა დადის, დიდ სახელმწიფოებს გადაუწყვეტიათ,
პაპის არჩევანში ნუ გავერევიით.*) თითონ კარდი-
ნალებსაც დაუდგენიათ: რაკი პაპს საერო ხელმწი-
ფება აღარ აქვს, სახელმწიფოებსაც უფლება არა
აქვთ პაპის არჩევანში რამენაირად გაერივნენო,
ამიტომ თუ რომელიმე დიდი სახელმწიფო რომე-
ლისამე კანდიდატის არჩევას არ დასთანხმდება,
ყურადღებას ნუ მივაქცევთო.

საფრანგეთის პირველი მინისტრი კომბი იმ
აზრისაა, რომ საფრანგეთის მთავრობა არ უნდა
ერეოდეს პაპის არჩევანში, მაგრამ გარეშე საქმეთა
მინისტრი დელკასე-კი სხვა თვალთ უყურებს სა-
ქმეს. დელკასემ კომბიცი დაითანხმა და ეხლა საფ-
რანგეთის მთავრობამ გააგებინა კარდინალების კრე-
ბას, ისეთი კაცი უნდა აირჩიოთ პაპად, რომ
განსვენებულ ლეონ მე XIII სავით მორიგებისა და
შეთანხმების პოლიტიკას ადგესო, თორემ, წინააღმ-
დეგ შემთხვევაში, საფრანგეთის რესპუბლიკასა და
ვატიკანს შუა დიდი გახეთქილება მოხდებაო. მარ-
თალია, საფრანგეთი არც ერთის კანდიდატის წინა-
აღმდეგი არაა, მაგრამ კარდინალებს მაინც გააგებინა,
რომ საფრანგეთს ყველაზე ძლიერ რამპოლას არჩევა
მოუვსა ჭკუაშიო. პარიზის გაზეთების რომელი კორე-
სპონდენტებიც მომეტებულ ნაწილად რამპოლას
კანდიდატურას ემხრობიან. პარიზიდან ცნობა მოვი-
და, ფრანგი კარდინალები ყველანი რომში მიდიანო.
ჰფიქრობენ, რომ ეს კარდინალებიც რამპოლას მხა-
რეს დაიჭერენო.

*) და ვინ მისცემს გარევის ნებას? რედ.

ახალი ამბები და შენიშვნები.

* * რომიდან დეპეშით იტყობინებიან კარდი-
ნალი სარტო პაპად არჩეულ იქმნა.

დილის 11 საათსა და 50 წამზე კარდინალმა
მაკკომ გამოაცხადა წმ. პეტრეს ტაძრის აივანიდან,
რომ პაპი უკვე არჩეულიაო და კარდინალი სარტო
მიიღებს პიუს X სახელს. მოედანზე ჯარმა სამხედრო
პატივი სცა, ხალხიც ათასობით არის შეკრებილი.
პაპი პიუს X გამოჩნდა 12 საათსა და 10 წუთზე
ტაძრის შიდა აივანზედ და აკურთხა ხალხი, რომე-
ლმაც თვისი აღტაცება ღალადით გამოხატა.

პაპი პიუს X დაიბადა 1838 წელს და დიდი
ნასწავლიც არის.

* * შარშან საქართველოს ექსარქოსმა შუამდგო-
მლობა აღძრა იმის შესახებ, რომ საეკლესიო კრე-
ბულებს მიეცეთ დასამუშავებლად მიწა. როგორც
ზოგიერთი გაზეთები გადმოგვცემენ, მთავრობას
უკვე ნება დაურთავს, რომ ზოგ კრებულს მიეცეს
მიწა.

* * როგორც „ბაკ. იზ.“-ე გადმოგვცემს,
ბაქოში მუშაობის შეჩერებამ ნავთის მწარმოებელთ
12 მილიონ მანეთის ზარალი მისცა. ზოგიერთ ქარ-
ხნებს 14 ივლისს უკვე დაუწყიათ მუშაობა.

* * რკინის გზის სამმართველოს განუზრახავს
ნავთის ბეღლები ბათუმიდგან ქობულეთს გადიტანოს.
სამმართველოს ნება მოსვლია გზათა სამინისტროსაგან
ამ საქმეს 33,298 მანათი მოახმაროს.

* * განსვენებულის თ-დ კონსტანტინე ივანეს ძე
მუხრან-ბატონის ანდერძი, შედგენილი 24 მაისს 1897
წელს, ტფილისის ოლქის სასამართლოს დაუმტკიცე-
ბია. ყოველი კეთილ-შემძენილი და მამა პაპეული
მამული განსვენებულს უანდერძნია თავის მეუღლი-
სათვის, რათა მან ისარგებლოს სიკვდილამდე; თ-დ
მუხრან-ბატონის მეუღლესვე უმტკიცდება საკუთრე-
ბად ყოველი მოძრავი ქონება და ნაღდი ფული
განსვენებულისა. შემდეგ მოანდერძეს მეუღლის
სიკვდილისა, ყოველი კეთილშემძენილი მამული გან-
სვენებულისა, გარდა სანავთო მიწებისა ბაქოში,
უნდა გუბერნიის მარშალმა გაჰყიდოს და მაზრების
მარშლების თანხმობით გაუნაწილდეს იმ სასწავლე-
ბლებს, რომლებსაც თავად-აზნაურობა ინახავს თავის



ხარჯით, ან შემწეობას აღიწეს. ნავთის მიწები ბაქოში განსვენებულს უანდერძია თ-დ დიმიტრი გიორგის ძე შერვაშიძესათვის იმ პირობით, რომ, განსვენებულს მუხრან ბატონის სიკვდილის შემდეგ, სამი წლის განმავლობაში იმ დღიდან, როდესაც თავადი შერვაშიძე ჩაიბარებს ამ მიწებს, ეს მიწები უნდა დაფასდეს ექსპერტების მიერ და, რაც ელირება იმის ნახევარი ნაღდ ფულად გადაეცეს გუბერნიის მარშალს, რათა აღნიშნულს სასწავლებელთათვის გადადებულ თანხას მიემატოს.

* * ტფილისის კადეტთა კორპუსში წელს მისაღები ეგზამენები დაიწყება 27 აგვისტოს და გასტანს სამს დღეს.

* * სახემწიფოს საბჭოს დადგენილების ძალით, ტფილისისა, ქუთაისისა და ჩერნომორის გუბერნიებმა 1904—1906 წ. წ. განმავლობაში საიჯარო და საადგილ-მამულო გადასახადი ამ რიგით უნდა იხადონ. სახელმწიფო საიჯარო გადასახადი უნდა ადლიონ წელიწადში: ტფილისის გუბერნიამ ზაქათალის ოლქითურთ—484,000 მან., ქუთაისის გუბერნიამ სოხუმისა და ბათუმის ოლქებით—174,000 მან. და ჩერნომორის გუბერნიამ—13,000 მან. სახელმწიფო საადგილ-მამულო გადასახადი უნდა იხადონ თითო დესეტინაზე საშუალოდ: ტფილისის გუბერნიამ ზაქათალის ოლქით—5 კაპ. ქუთაისის გუბერნიამ სოხუმისა და ბათუმის ოლქებით—5 კაპ. და ჩერნომორის გუბერნიამ—3,2 კაპ.

* * ქუთაისის გუბერნიის და მახრების თავდაზნაურთა-მიერ არჩეულნი მ-ზრის წინამძღოლნი, მათი თანაშემწენი, დებუტატები და დებუტატთა საკრებულოს მდივანი, რომელნიც მთავრობამ უკვე დაამტკიცა, 20 ივლისს ფიცს მიიღებენ საკათედრო ტაძარში და თანამდებობის აღსრულებას შეუდგებიან.

* * რკინის გზაზედ რომ უბედურება აღარ მოხდეს მოხელეთა დადაღვა-დაქანცულობის გამო, გზათა სამინისტრომ მკაცრი განკარგულება მოახდინა, რომ სადგურების და ლიანდაგის აგენტები მორიგეობას აღარ ეწეოდნენ 24 საათის განმავლობაში, როგორც აქნობამდე ყოფილა.

* * ვაუწყებთ სამღვდელი და საეკლესიო მოსამსახურეთა, რომ ყველას მათ ძველი ნამსახური ეთვლებათ პენსიის მიღებისათვის. ამიტომ მღვდლები სამას მანეთს და მედავითნენი ას მანეთს პენსიას მიიღებენ.



სწავლა და მეცნიერება ქრისტიანობრივ სასწამოებსა და კეთილ-ზნეობაზე.

ლოცვა

როგორც მწუხარების მომქარვეები საშუალება. ფარარ.

(რუსულიდან)

„და იყო ღვაწლსა შინა უმეტესა ილოცვიდა“ სახ. ლუკასი 22—44.

დასასრული *)

აურაცხელი მოწყალება ღვთისა და მისი სიყვარული ჩვენდამი გამოიხატება მასში, რომ ჩვენ—შეკირვებულთ შეგვიძლია მივმართოთ მას მაშინაც კი თუ-კი მანამდის არც ერთხელ მისდამი თვალნი არ აღგვიპყრია და არ მოგვიგონებია. რომ ლოცვა შესაძლებელი იყოს მხოლოდ მისთვის, რომელიც მუდამ პატიოსანია და კეთილ მორწმუნე, მხოლოდ მისთვის, რომელიც არასოდეს არ ყოფილა სარწმუნოების უარის-მყოფელი და ღვთის გარეშე და რომ იგი შეუძლებელ იყოს ცოდვითათვის და მათთვის ვინც გადასცდენ კეთილს გზას და ჩავარდენ ცოდვის მორევში, მაშინ ხომ სულ ცოტა და თითქმის არავითარი მნიშვნელობა არ ექნებოდა მას ცოდვილი და დაცემული ადამიანისათვის!.. მაგრამ ჩვენი ღმერთი არის ღმერთი სიყვარულისა და ღმერთი მოწყალებისა. შეუძლია მივმართოს მას სულმა სასოწარკვეთილმა და მოუძღურებულმა, რომელსაც არ ძალუძს მიართვას მას სხვა რაიმე, გარდა გაცვეთილისა და ცუდად გატარებულის ცხოვრებისა. მას შეუძლია დაუახლოვდეს, როგორც უძღვები შვილი შეწუხებული, დაქანცული და ძონძებში გახვეული; კარი მოწყალებისა განღებულარს ამისთანა სულისათვისაც უკეთუ იგი მივმართავს მას, და როდესაც ჩვენ განზორებულნი გვგონია იგი,

*) იხ. „მწეპისი“ № 13.



აი მაშინ ვითარცა მამა მოგვეგებება ჩვენ და შეგ-
ვინდობს ზღაგვამშვიდებს. ოჰ! როგორი ცვლილება
ხდება მაშინ ჩვენს ცხოვრებაში! თქვენ ხედავთ
შავის და სქელის ღრუბლებით მოსილს ცას, თქვენ
უყურებთ გაყინულს და სიცოცხლე დაკარგულს
დედა-მიწას, რომელიც დაფარულია ცივის თო-
ვლით, მაგრამ დეე გამოანათოს მზემ და თქვენ
თვალ-წინ გადიშლება ლაჟვარდი, მოკამკამე ცა და
ათასფერის ყვავილებით და მწვანე ბალახით მოსილი
და მომდიმარე დედა-მიწაც მიიქცევს თქვენს ყურად-
ღებას. იგივე მოუვა ჩვენს დაფლეთილს და მოუძ-
ლურებულს ცხოვრებას, როდესაც ჩვენ მივმართავთ
ღმერთს და გულის კარს გაუღებთ, ბრწყინვალე და
გამაცოცხლებელს სხივებს მის ნათლისას. მე ის კი
არ მინდა ამით ვსთქვა, რომ მწუხარება და ვაება,
რომელნიც ხუთავენ ჩვენს სულსა ზღ გულს, მსწრაფლ
მოისპობიან და განიდევნებიან ჩვენგან, არამედ ის,
რომ ჩვენს სულსა და გულში ვამეფდება მშვიდობა,
გაჩნდება ძალა, მორჩილება და სასოება და ჩვენ
ვიგრძნობთ ჩვენშივე ისეთ ძალას, რომელსაც
ძალუძს გაუძღლოს ყოველივე განსაცდელს, რომელ-
შიდაც ჩავვაგდებს ღმერთი; და თუ გინდ შხამიანის
ასრით ვანგმირვას გვიქადდეს უფალი, მაშინაც და-
უწყებთ ძებნას მას, ზღ სევდის შავბნელ ღრუბლებმაც,
რომ მიმალოს ჩვენგანთ მისი სახე მაშინაც-კი შევ-
ნიშნავთ იმედის ნიშანს—ციხარტყელას.

მაგრამ ნუ იფიქრებთ, ძმანო, რომ რადგანაც
ღმერთი არა უგულუბელს ჰყოფს ლოცვასა ცოდვი-
ლისასა და შეიწყნარებს გაქირვებულს მლოცველს,
ჩვენ შეგვეძლოს დაუბრკოლებლივ ვსცოდოთ ყო-
ველთვის, იმ იმედით, რომ მაინც შევინანებთ, როცა
გაქირვებაში ჩავარდებით. ეს ნიშნავს, რომ ჩვენ
განზრახ ბოროტად ვსარგებლობთ ღვთის მოწყალე-
ბით და კეთილ-სახიერებით. ეს ისეთი აზრია, რომ-
ლის წინააღმდეგ უნდა ვსთქვათ, რომ სულის-კვეთება
და ტანჯვა-ვაება ყოველთვის ვეღარ გამოიწვევს და
ვეღარ შექმნის ლოცვისადმი მოთხოვნილებას, რომ
ცოდვით დამონებულს და გაქსუვებულს სულს
ლოცვის სურვილიც მოსპობილი და დამონებული
აქვს. მეტი ამო და ურგები სასოება აღარ შეიძლება,
როგორც არის სასოება სიკვდილის წინ სინანუ-
ლისა. თუ რატომ არის ამო, ეს ცხადია მისთვის
ვინც არა ერთხელ დასწრებია სულის უკანასკნელ
აღმოფშვინვას. ლოცვა-კი მონიჭებული გვაქვს ჩვენ,

როგორც საშუალება ღვთის შეგებისა და ცნობისა,
არა მხოლოდ იმიტომ, რომ მივმართოთ მას მხო-
ლოდ სიკვდილის დროს, ანუ ჟამსა გასაქირისასა,
არამედ ყოველთვის სანამ ცოცხალ-ვართ. აკვირდგან
დაწყებული ვიდრე კუბოს ფიცრამდე. ფას-დაუდე-
ბეჯია ჩვენთვის ნიჭი ჯოჯვისა, როგორც იმიტომ, რომ
მით მსუბუქდება და ისპობა მწუხარება, არა ნაკლებ
იმიტომ, რომ ძლიერდება და დიდდება ყოველი
უმანკა-შვება-სიხარული. მისთვის, ვისაც ჰსურს
იცხოვროს ჭეშმარიტის ცხოვრებით, ლოცვა ისე-
თივე საჭიროა ბედნიერების დროს, როგორც უბე-
ღურობის ჟამს, ჟამსა მშვიდობიანობისასა და ჟამსა
შფოთვა-ტანჯვისასა, ჟამსა სიყმაწვილისასა და ჟამსა
მოხუცებულობისასა, ყოველგან და ყოველთვის იგი
ერთნაირად აამაღლებს ზღ აცხოველებს ჩვენს სულს.
ამის მაგალითად ჩვენ შეგვიძლია ავიღოთ თვით
იესო: ლოცვა განაცხოველებდა მას არამც თუ რო-
გორც კაცს მწუხარებით მოცულს, არამც თუ მხო-
ლოდ მთვარის შუქით ოდნავ განათებულს ბაღში,
სადაც უმაღლეს წერტილამდე მივიდა მისი სულის
ბრძოლა, არამედ ხშირად, ძლიერ ხშირად, ყოველ
დღეს და ყოველს ჟამს, პატარაობიდან დაწყებული
ვიდრე ამაღლებამდე, სულის სიმშვიდის დროსაც
და სიხარულის ჟამსაც. ლოცვა იგივეა სულისთვის,
რაიც ნამი მინდვრის ყვავილებისათვის; დღის მზის
მწვავი სხივებიდგან დამქანარი ყვავილები გაცოც-
ხლდებიან ზღ გაიშლებიან, როგორც მოხვდება მათ სალა-
მოს ნამი. რატომ არ უნდა გაგვაცოცხლოს ჩვენ ამ
წყალობით აღსავსე ნამმა ჩვენის ცხოვრების ყოველს
ჟამს. უკეთუ კაცს მთელს თავის ცხოვრებაშიდ
ხშირად და ძლიერ ხშირად მიუძმართავს ლოცვისა-
თვის და სრულის რწმუნებით და სასოებით გაუ-
თვალისწინებია ღმერთი სიყვარულისა და მოწყა-
ლებისა, იგი კაცი უსათუოდ ბედნიერია. დრონ-
ნი იცვლებიან და სიყმაწვილეს სჭკნება, ხოლო
ცხოვრების გზაზე ხშირად შეხვდებით ჭეკა-ქუხილს
და მზის გამაცოცხლებელ სხივებსაც, მაგრამ თუ-კი
ჩვენ ხშირად ვცხოვრობთ ლოცვით ჩვენ ბედნიერნი
ვართ იმ ბედნიერებით, რომელიც არა კვდება. აი
ის, რაც უნდა გულის ხმა ჰყოს და შეიგნოს კაცმა,
როცა წარმოიდგენს იესო ქრისტეს გეთსიმანდის ბაღში;
ცხადი ხდება ყველასათვის, რომ ლოცვას შეუძლია
მზის სხივებივით გაანათლოს და გაათბოს ჩაბნელებ-
ული და გაყინული გული, რომ არ არსებობს
მუდმივი და ხანგრძლივი ზამთარი და განუწყვეტელი
სიბნელე იმ სულისათვის, რომელსაც გამოუბრწყინ-
დება მზე სიმართლისა, განმკურნებელის სხივებით
ნათლის მომფენელი; და ეს იმიტომ რომ ჭეშმარი-

ტი ლოცვა ყოველთვის მითვალთულებს არს. მართალია არიან სხვანაირი ლოცვანი იმდენად წინააღმდეგნი ღვთის ნებისა და შეუფერებელი კაცის ქვეშაობის მოთხოვნისა, რომ ჩვენთვის საუკეთესო იქნება ესრეთი ლოცვა ღმერთმა არ შეისმინოს ღ ამიტომ, უკეთუ ჩვენ ვლოცულობთ და ვითხოვთ ღვთისგან ქვეყნიურს კეთილდღეობას, უნდა ვითხოვოთ მხოლოდ იმდენად, რამდენადაც იგი ეთანხმება ღვთის ნებას, თუ კი იგი საჭიროა ჩვენი უმაღლესი კეთილდღეობისათვის. ხოლო ყოველივე საუკეთესო და საკეთილო ჩვენი სულის წარმატებისათვის ჩვენ შეგვიძლია დაუბრკოლებლივ და უშიშრად ვითხოვოთ, სრულნი დარწმუნებულნი, რომ უკეთუ გულით ვითხოვთ ღმერთი მოგვანიჭებს მას რასაც ვითხოვთ. ვლოცვილობთ-რა რაიმე კეთილის მონიჭებას, წინდა-წინვე უნდა ვიცოდეთ, რომ ვგრეთი მოგვენიჭება ჩვენ, იმიტომ რომ, რაიც გვსურს მას ვითხოვთ, რასაც ვითხოვთ, მის შოვნასა ვცდილობთ, ხოლო რის შოვნასაც ვცდილობთ იგი მოგვეცემის ჩვენ. ჯერ არ ყოფილა ისეთი კაცი, რომლის თხოვნა— მუდარება არ ყოფილიყოს შესმენილი და ასრულებული, თუ-კი იგი თხოვილობდა რომ დღითი-დღე გაუმჯობესებულყოფს, განკეთილებულყოფს და განსპეტაკებულყოფს მისი ცხოვრება, რომ მისი გონება ამადლებულყოფს ცათამდე, თუ-კი იგი ევედრებოდა ღმერთს რათა აღმოეჩინებოდა მისი გული-დგან სიძულვილი, ამპარტავნება, შური და მიდრეკილობა ქვეყნიურისადმი. ყოველივე ამისთანა შემთხვევაში ღმერთი სხვა კეთილთა-შორის გვაჩუქებს ჩვენ თვით თავის-თავს; იგი ნებას გვაძლევს რომ, დაახლოებით გავიცნოთ იგი, შევიყვაროთ იგი და ვიცხოვროთ მით და მასში. როდესაც ჩვენი მუდმივი მისწრაფება შემოიფარგლება მხოლოდ სურვილით რომ ვიხილოთ სახე ღვთისა, როდესაც ჩვენთვის არავინ არს ცათა შინა გარდა მისსა და ქვეყნასა ზედა, რომელიც ჩვენთან უფრო ახლო იდგეს და ჩვენი იყოს ვინემ ის, მაშინ ჩვენ მართლაც ბედნიერნი ვართ იმ ბედნიერებით, რომელსაც ვერ შევხება და ვერას ავნებს შხამი ცოდვისა, რადგანაც ჩვენ გვასულდგმულებს მხოლოდ ერთი სურვილი და ამ სურვილის აღსრულება უარყოფილი არ იქნება. შეუწყნარებელი და უარყოფილი არ დარჩება ეს ჩვენი სურვილი—თხოვნა, მეტადრე მაშინ, როცა ღმერთი შეგვამთხვევს ჩვენ რაიმე შეწუხებას. „ხოლო თქვენ აწ კირი გაქვს“ რქვა მათ იესო: „და მერმე კვალად გიხილნე თქვენ და უხაროდეს გულთა თქვენთა და სიხარული თქვენი არავინ მიგიღოს თქვენგან“

მლ. არტემი ბოჭორიშვილი.

მართლმადიდებლობით—ქრისტიანობრივის საექსპლესიო საზოგადოების ღვთის მსახურების განმარტება.

(გაგრძელება*)

ნეტარ არიან უფალებანი, რომელნი ესვენ ეფაფსა.— ბედნიერნი არიან ისინი, რომელნიც ესვენ უფაფს, რომელთაც სრული იმედი აქვთ ღვთისა, რომელნიც მუდამ, ყოველ გარემოებაში ღვთის სახელს ახსენებენ, ღმერთზე ფიქრობენ და უიქვენეულოდ, შეურყვევლად დარწმუნებულნი არიან, რომ იგი მათ კეთილს მიაგებს, თვის სიყვარულის სხივებს მოაფენს და სამუდამოდ ნეტარ-ყოფს. ნატარ არიან ასეთნი პირნი, იმიტომ რომ იმათ იმედი აუსრულდებათ თუ ამ სოფელში არა, საუკუნო ცხოვრებაში მაინც.

აღსდგე, უფაფო, მაცხოვრე, ღმერთო ჩემო!— აღსდგე—ინებე, ისურვე. კეთილინებე, უფალო, და შემადლებინე გემსახურო მხოლოდ შენ, ყოველი ჩემი იმედი დავამყარო მარტო შენზე, ვეომო და ვსძლიო ბოროტება, განვაკარგო განვაუზღობესო ჩემი ბუნება ღ მით შენ შემოგიერთდე და ვცხონდე, განვთავისუფლოდე ტანჯვა-წვალებისაგან, მოვიპოვო სრული კმაყოფილება და სიხარული.

უფაფისა აწს ცხადება, და ერსა შენსაზედ კურთხევა.— ცხოვრებასა და კურთხევას ვითხოვთ უფლისაგან, იმიტომ რომ ჩვენ არ ძალგვიძს მხოლოდ ჩვენისავე ძალით და მოქმედებით ვიცხოვნოთ თავი, ბედნიერ ვიქმნეთ; ცხოვრება ღმერთზედაა დამოკიდებული, მის შეუწყვევლად ცხოვრება შეუძლებელია.

ნეტარ არიანის შემდეგ მთავარ-დიაკონი იტყვის გვრედ წოდებულს მცირე კვერქს. კვერქსი ესე იწოდება მცირედ შედარებით დიდ კვერქსთან; იგი მხოლოდ სამის თხოვნისაგან შესდგება. ეს თხოვნები ამოდებულია დიდის კვერქსიდან. ამ კვერქსის შემდეგ მგალობელი გალობენ: „უფალო, დაღად ვყავ შენდამი...“ 104 ფსალმუნიდან „დაღად ვყავ“ ნიშნავს—ხმა მალდა ვსთქვი, გიგალობ, მხურვალედ გთხოვ.

უფალო, დაღად ვყავ შენდამი, ისმინე ჩემი, უფალო—უფალო! ცოდვათა შინა მშვა მე დედამან ჩემმან: სიყრმიდანვე თანდამყვენ ბოროტნი თვისებანი; თან-

*) იხ. „მწევესი“, № 13 1903 წ.



შეზრდილნი ცოდვითნი მიდრეკილებანი ყმაწვილო-
ბაშივე გამიძლიერდნენ; მოძმეთა ჩემთა ცუდ მაგა-
ლითთა სული ჩემი გარყვნეს, წარწყმიდეს, მიმაჩვიეს,
ბოროტებას;—და ასე ჩემში გამეფდა ცოდვა. აწ
რა შევიგენ უღირსობა—დაცემულობა ჩემი, ვსცდი-
ლობ ბოროტებას განვეშორო, მაგრამ ცდა-შრომა
ჩემი ამაოა; მუდამ ვითმენ დამარცხებას, მუდამ
ვხდები ვნებათა მსხვერპლი, და ეს მოვლენა მიმწა-
რებს მე სიცოცხლესა. ვაიმე, უბადრუკსა, ვაიმე,
ცოდვილსა! როდემდე ვიქნები ესრედ ტანჯული
ცოდვათა მიერ? როდემდე უნდა ვიყო ვნებათაშინა?
როდემდე უნდა ვიწვალო ცოდვათაგან? უფალო!
გვედრები მომხედნენ, დამიამენ სულისა წყლულნი
დააცხრვენ ვნებანი ჩემნი, შემოაშუქე სიბნელით
მოკულს ჩემს სულში, დასთრუგნე მასში ბოროტება,
გამეფე სათნოება და მით მომანიჭე მე სიხარული.
უფალო! ისმინე ჩემი, ამისრულე თხოვა-ვედრება.

მხსედენ ხმას ღოცვის ჩემისსა, დადადბას
ჩემს შენდამი.—უფალო! გამრავლდნენ მოძულენი
და მტერნი ჩემნი; მუდამ მდევნიან მე საწყალსა;
ელოდებიან მარჯვე ღროსა, ეძიებენ შემთხვევასა
მახე დამიგონ, შემაცდინონ, მავნონ, დაარღვიონ
ჩემი კეთილ-დღეობა, დამლუბონ. ვეღარ გაუძეო
მათ დევნასა; ვერ აიტანა სულმან ჩემმან ამოდენი
მწუხებრება. უფალო! გვედრები, მომხედნენ, მიხსენ
მტერთაგან, დამიფარენ მათ მახვილთაგან, დამიცვენ
მათ ბოროტ-მოქმედებისაგან; ნუ მიმიყვან სასოწარ-
კვეთილებამდის, და ნუ წამართმევ იმედსა, ნუ ჩა-
მაგდებ ცოდვაში. უფალო! ისმინე ჩემი, განთანტე
მაჭივრებელნი ჩემნი და დამიამენ ცხოვრება.

უფალო, ისმინე ჩემი.—უფალო! გარემომადგენ
მე ჭირნი მრავალნი. სასტიკმა სიღარიბემ მომიწამ-
ლა მე სიცოცხლე. ჰი, როდენნი კეთილ-შობლუ-
რნი სურვილნი მემარხებიან, რჩებიან აუსრულე-
ბელნი ნივთიერ შეძლების უქონლობისაგამო! ჰი,
რა რიგ ხელს შეუწყობდა ზომიერი კეთილ-დღეო-
ბა სულის აღმაფრენასა! და აწ ეს ლატაკური ცხოვ-
რება ჩამი გულს მიღრღნის, მიღობავს გზას წარმა-
ტებისასა. სნეულებათა შემიბყრეს; იმათგან შავნი
ფიქრნი თავს დამტრიალებენ, სულიერნი ძალნი
მიჩლუნგდებიან, მეხშებიან. უზომო, გადაჭარბებულ
შრომა-ჯათამან მომკლა დამაძაბუნა. და სხვა და სხვა
გაჭირვებათა შემავიწროვეს, გამტეხეს, ბნელით შემ-
მოსეს, გამიმრავლეს კვნესა ვაება. უფალო, გვედ-

რები, მომხედნენ, მიხსენ ჭირთაგან და გამიადვილე
ცხოვრება.

წაქმანთენ ღოცვა ჩემი, ვათარცა საკმეველი შენ
წინაშე, ადბერობად ხელთა ჩემთა მსხვერპლ სამწუხროთ,
ისმინე ჩემი, უფალო.—ამ სიტყვებით გამოეხატავთ
სურვილს, რომ ჩვენი ზემო აღნიშნული მხურვალე
თხოვა-ვედრება პირ-და-პირ ღვთისადმი წარემართოს
—აღვიდეს, ისე როგორც კმევის დროს კვამლი
მალლა მალლა აღის, და საღამოს ჩვენი ხელთ აღ-
პყრობა, ანუ ლოცვა ჩვენგან მსხვერპლად მიიღოს
და ნაცვლად მისა გარდამოგვიღლინოს თვისი საღ-
მართო მადლი და კურთხევა და დაგვიკმაყოფილოს
მოთხოვნილებანი.

დასდევ, უფალო, სცდა ზირსა ჩემსა და კარი ძნელი
ბაკეთა ჩემთა. ისმინე ჩემი. უფალო.—ადამიანს, ჭირსა
შინა მყოფსა, დიდი სიფრთხილე, დიდი მოთმენა,
დიდი სიმტკიცე მართებს, რომ სულით არ დაეცეს,
არ გაბოროტდეს და არ იწყოს ღვთის ყვედრება-
გმობა, მოყვასთა ცუდად მოხსენება, განკიცხვა-შე-
ჩვენება. და აი ჩვენ ვსთხოვთ უფალსა ამ ზომამდე
ნუ მიგვიყვანს და ღვთის საგმობ და კაცთა საწყენ
საშინელ სიტყვებს ნუ გვათქმევინებს.

ნუ მისდრეკ გულს ჩემსა: სიტყვათა მიმართ უკეთუ-
რებისათა, მაზეხუბად მაზეხუბთ ცოდვისათა. ისმინე ჩე-
მი, უფალო.—შევიწროებული მღგომარეობა ადამი-
ანისათვის დიდად დამაბრკოლებელია; მას იგი დიდ
განსაცდელში შეყავს ხოლმე, ხშირად კიდევაც აი-
ძულეებს მას ბოროტებისადმი; კაცს ხასიათის სიმტკი-
ცე უნდა ქონდეს, რო თავი დაიჭიროს და ცოდვა
არ ჩაიდინოს. მომეტებულ ნაწილად, ადამიანი თავს
ვერ იკავებს, ცოდვას იქმს და თავს იმართლებს
იმითა, რომ მას ცოდვა გაჭირვებამ აქმნევინა; ღმე-
რთმა მასზე ხელი აიღო, უმწეოდ დასტოვა და იგი
იძულებული იყო უღმობელ გასაჭირ გარემოებას
დამორჩილებოდა, ბოროტება ჩაედინა. ასეთი ქცევა,
ასეთი მართლება თავისა დიდად საშიშია, და აი
ღმერთსა ვსთხვთ დაგვიფაროს იმისგანა.

კაჭახიძე.

(გაგრძელება იქნება)



განსხალებანი.

ქუთაისის

სათავად-აზნაურთა სასწავლებელი

ა ც ხ ა ლ ე მ ს

რომ მიმდინარე წლის ენკენისთვის 40 თავისუფალი ვაკანსია არის პირველ განყოფილებაში, რომელშიდაც მიიღებიან ბიჭი და რვა (7-8) წლის ემაწვილები. დანარჩენ განყოფილებებში და პროციმნახიულ კლასებში თავისუფალი ადგილი სრულიად არ მოიპოვება.

თხოვნების მიღება გავრცელდება ოცდასხუთ მარტობის თვემდის; თხოვნასთან ერთად წარმოდგენილი უნდა იქნეს წლოვანების, აზნაურობის და უვაჟილის აცრის მოწმობები.

ემაწვილების მიღება დანიშნულია 27 მარტობის თვეს. ხელმოკრედ გამოცდა, რომელიც მისში დაენიშნა მოსწავლეებს, მოხდება 25 და 26 მარტობის თვეს.

სწავლა დაიწება 1 ენკენისთვეს.

3—2

უპირილაუი გალობის მასწავლებელი სერგეი ჯინჭველაშვილი ასწავლის ქართულს საეკლესიო და სერო გალობას ნოტების საშუალებით. თანაც ამზადებს მოსწავლეებს საქალაქო სასწავლებლისათვის.


ბ ი ნ ა: ვასილ მაჭავარიანის სახლი—
სედა ხიდის ზირღაზირ.

გუგუნიერია

საუბოგოსო და სასარგებლო!

კ უ რ ჩ მ კ ტ

ქალბატონებს და ქალიშვილებს...
წმიდა ოქროსაგან 56 ზრობისა



1) **ჰინძისტაში** ოქროსი, რომელშიაცა მოწყობილია ხელოვნური ბრილიანტები, რომელნიც მშვენიერად მღველვარებენ და გარშემოვლებული აქვს ლალს, ზურმუხტს, ფირუხს და იაგუნდს (გამორჩევისამებრ შემკვეთთა).

2) რწყვილი დიდი მშვენიერი **საუბოგო** ოქროსი ისეთივე ხელოვნებისა.

3) **ბეჭედი** ოქროსი იმავე ფასონისა. გაიგზავნება ფას დადებით და უბეოდ **რგბ** მანეთად.

ესეები ვეგლა და სამაჯური იმავე ფასონისა

● თ უ თ ხ გ ე ტ გ ა ნ ე თ ა ლ ●

ადრესი: საეკრო სახლი ი. გ. შაჩისსო და ახვ. ოღუშაში.

შ ი ნ ა ა რ ს ი:

სალიტერატურო განყოფილება: სად უნდა ინახებოდენ ჩვენი წმიდა და შესანიშნავი საეკლესიო ნივთები. დეკ. დ. ლამბაშიძისა.—უქმე და მისი მნიშვნელობა მლ. კ. ანთაძისა.—კიევის აკადემიის რექტორი ყ-დ სამღვდელთა პლატონი ქუთაისში.—წესი რომის პაპთა აღმორჩევისა.—სომხის კათოლიკეთა სურვილი.—საზარელი მკვლელობა—ძველის ჩვეულებით ტირილი.—ყურანალ-გაეთებიდან.—ახალი ამბები და შენიშვნები

სწავლა და მაცნეიერება ქრისტიანობრივ სარწმუნოებასა და კეთილ-ჯანოზაზე: ლოცვა, როგორც მწუხარების მომქარებელი საშუალება. მლ. არტემ ბოჭორი-შვილისა.—ღვთის მსახურების განმარტება, კაქაზიძისა.—განცხადებანი.

რედაქტორ-გამომცემელი დეკ. დ. ლამბაშიძე. Редакторъ-Издатель П. Д. Гамбашидзе.
Дозволено цензурою Архимаандритъ Георгій 31 іюля 1903г.

Типог. редакції журн. „Пастыръ“ (П. Д. Гамбашидзе) въ Квирилахъ въ собст. домѣ.